



Ulloq: 10. februar 2023
Allaffik: Nordatlantkontoret
Sul. sulia.: Astrid Boesen
Suliap normua: 2022-490-0346
Dok.: 2622623

Kalaallit

Nunaanni pinerluttulerinermi inatsisip aamma Kalaallit Nunaanni eqqartuussisarnermik inatsisip allanngortinneqarnissaat pillugu inatsisissatut siunnersuut

(Tarnikkut nakuuserfigineqarneq pillugu aalajangersagaq immikkoortoq)

§ 1

Kalaallit Nunaanni pinerluttulerinermi inatsimmi, tak. inatsisitut nalunaarut nr. nr. 1045, 7. september 2017-imeersoq, kingullermik inatsisikkut nr. 572, 10. maj 2022-meersukkut allanngortinneqartumi, tulliuttunik allan-nguisoqassaaq:

1. § 88-*ip* kingorna ilanngunneqassaaq:

»§ 88 a. Inuk inoqutigiinni allap akuuffigisaani ilaasoq qanittumilluunniit attuumassuteqartoq imaluunniit siusinnerusuklut inoqutigiinnut taakkununga taamatut attuumassuteqarsimasoq, aamma piffissap ingerlanerani uteqqiattumik, allamat pineqartumut assuarnartumik aqutsissutitut naleqquttunik, ingasattumik nikassaanermik, ajortumik pinninnermik imaluunniit kannguttaatsuliornermik pissusilersortoq, matumani naqisimanninnikkut, pinngitsaaliinikkut imaluunniit nakuusernikkut nammineq inuuneqarnissamut siunissarlu pillugu nammineq aalajangiisinnaanissamut killilersuineq ilanngullugit, tarnikkut nakuusersimasutut eqqartuunneqassaaq. «

Slotsholmsgade 10
1216 København K.

T +45 7226 8400
F +45 3393 3510

www.justitsministeriet.dk
jm@jm.dk

§ 2

Eqqartuussisarnermik Kalaallit Nunaannut inatsimmi, tak. inatsisitut nalunaarut Kalaallit Nunaanut eqqartuussisarnermi inatsimmi, tak. inatsimmut nalunaarut nr. 1581, 13. december 2016-imeersoq, kingullermik inatsisikkut nr. 572, 10. maj 2022-meersukkut allanngortinneqartumi makkuninnga allannguisoqassaaq:

1. § 333, *imm. 1, oqaaseqatigiinni siullerni*, »§§ 88 aamma 89,« ima allanngortinneqassaaq: »§§ 88-89,«.

2. § 336 *b, imm. 1, oqaaseqatigigiinni siullerni*, »nakuuserneq,«-rup kingorna ilanngunneqassaaq: »tarnikkut nakuuserfigineqarneq,«.

3. § 340 *a, imm. 1, nr. 2, litra b-mi*, »imaluunniit § 88, oqaaseqatigiit siulliit,« ima allanngortinneqassaaq: »§ 88, oqaaseqatigiit siulliit, imaluunniit § 88 a«.

§ 3

Inatsit ulloq [...] atuutilissaaq.

Inatsisissatut siunnersuummut oqaaseqaatit

Oqaaseqatigiit nalinginnaasut

1. Aallaqqaasiut

Kalaallit Nunaanni qallunaat akisussaaffiisa ineriartortinneqarnissaat Naalakkersuisut peqatigalugit naalakkersuisut kissaatigaat (Socialdemokratiet, Venstre aamma Moderaterne). Danmarkimi naalakkersuisut Kalaallit Nunaat suleqatigalugu sulissutigerusuppaat Kalaallit Nunaanni suliaasaqarfiit qallunaat nunaanni tigummineqartut pitsaassusaat qallunaat nunaannisut issasoq Danmarkip Kalaallit Nunaatalu immikkuullarissusaat assigiinngissusaallu ataqqillugit. Tamatuma saniagut Danmarkimi naalakkersuisut ataavartumik pingaaartitarissavaat inatsisit qallunaat nunaanni tigummineqartut nutartertuartarnissaat.

Suliamut tassunga atatillugu Naalakkersuisut kissaataat malillugu Inatsiseqarnermut ministereqarfiup inatsisissatut siunnersuut suliarivaa, tassanilu qanigisariinni tarnikkut nakuuserfigineqarneq pinerluutinngortinneqarpoq.

Inuttut nammineersinnaanermut aamma inuup tarnimigut peqqissusaanut tarnikkut nakuuserfigineqarneq annertuunik kinguneqarsinnaavoq. Tarnikkut nakuuserfigineqarnerup kinguneri ajortut – ingammik qanigisariinni – sivisusinnaapput allaat inuuneq tamaat atasinnaallutik, tassami eqqugaasut tarnikkut ilivitsuunerat tarnikkut nakuuserfigineqarnerup qajannarsisittarpaa. Taamaammat eqqugaasut taakkulu inatsisitigut naapertuilluartoqarnerannik misigisimanerisa paareqqissaarneqarnissaat pingaartuuvoq, taamaalillutik taakku inuiaqatigiinnit illersorneqarneq, paasineqarneq aamma akuerisaaneq pisassartik piniassammassuk. Inatsiseqarnermut ministereqarfiup isumaa malillugu, tamanna tunngavigalugu pinerluttulerinermi inatsimmi tarnikkut nakuuserfigineqarneq pillugu immikkut ittumik aalajangersakkamik ilanngussisoqarnissaa pisariaqartutut isigineqarpoq. Tarnikkut nakuuserfigineqarnerup timikkut nakuuserfigineqarnertut ilungersunartiginera ajoqusiisinnaatigineralu, aamma tarnikkut nakuuserfiginninneq nakuusernikkut allakkut pinerluttuliornerunera taamaalilluni ersersinneqassaaq. Qanigisariinni tarnikkut nakuuserfiginninnerup pinerluutinngortinneqarnissaa taamaalilluni inatsisissartut siunnersuutip siunertaraa.

Tarnikkut nakuuserfiginninnerup siunnersuutigineqartut pinerluutinngortinneqarnerata malitsigisaanik Kalaallit Nunaanni eqqartuussisarnermik inatsimmi allannguutit inatsisissatut siunnersuutip imarai.

Inatsisissatut siunnersuutip saniatigut, tarnikkut nakuuserfiginnineq pillugu pinerluttulerinermi inatsimmi aalajangersakkamik ilanngussinerup malitsigisaanik inatsisini allani allannguisoqarnissaa Inatsiseqarnermut ministereqarfiup piareersarniarpa. Tamanna qanilleqqusinningineq, najugaqataasinnaannginneq aamma anisitsisarneq pillugit inatsisip Kalaallit Nunaanni atuutilersinneqarnera pillugu peqqussummut, aamma aappariilertarneq aappariikkunnaartarnerlu pillugit inatsisip Kalaallit Nunaanni atuutilersinneqarnera pillugu peqqussummut atuuppoq.

Qallunaat pillaasarnermik inatsisaani assigisaanik allannguinermit inatsisissatut siunnersuut tunngaveqarpoq, taannalu pillaasarnermik inatsisip inatsisillu allat inatsisikkut nr. 329-ikkut, 30. marts 2019-imeersukkut (Tarnikkut nakuuserfigineqarneq pillugu aalajangersagaq immikkoortoq) suliarineqarpoq.

2. Inatsisissatut siunnersuutip pingaarnertut imarisai

2.1. Inatsisit atuuttut

Tarnikkut nakuuserfiginnineq pillugu massakkut pinerluttulerinermi inatsimmi immikkut ittumik aalajangersakkamik peqanngilaq, kisianni aalajangersakkani allani arlaqartuni iliuutsit, inuup allap tarnikkut ilivitsuuneranik nikanarsaataasutut oqaatigineqarsinnaasut, ilaatinneqarput.

Paarsinerlunermigut imaluunniit nikassarpassissumik iliuuseqarnermigut, pinerluuteqartup aapparissaminik, meeqqaminik inummik allamik oqartussaaffigisaaminik, isumassugassaminilluunniit, imaluunniit pinerluuteqartup ningaaminik sakiatasiaminilluunniit, imaluunniit kinguaaqatitut eqqarliminik, inuk innarliisoq, pinerluttulerinermi inatsimmi § 75, imm.1 malillugu eqqartuunneqassaaq. Aalajangersakkap immikkoortua 2 malillugu aamma atuuppoq, pinerluuteqartup imm. 1-imi pineqartunut inunnut pilersuisussaataitanini imal. akilersuisussaataitanini sumiginnarpagu.

Inuk, nakuusernikkut imaluunniit nakuusernissaq siorasaarutigalugu, pigisanik annertuumik ajoqusiiniarluni, nammineersinnaajunnaarsitsiniarluni imaluunniit pinerluuteqarsimanermik imaluunniit nikanarsaataasumik qanoq iliorsimaneq pillugu eqqunngitsumik pasilliinermik saqqummiussinikkut imaluunniit nammineq inuunermi allat susassarinnigisaanni qanoq iliorsimanerit

saqqummiunneqarnissaat siorasaarutigalugit allat iliuseqartinniarlugit, naammagiinnartariaqalersinnerisigut imaluunniit ilaginnaasinnerisigut pinngitsaaliisut, pinerluttulerinermi inatsimmi § 91 malillugu inatsisit unioqqutillugit pinngitsaaliisutut eqqartuunneqassaaq. Taamatuutaaq, pinngitsaaliinikkut pissutsit qunusaarinermut tunngassuteqartut pineqartut pissutigalugit, saqqummiussineq naleqquttutut isigineqassanngippat, inummut pinerluuteqarsimanerup nalunaarutigineqarnissaanik saqqummiunneqarnissaanillu qunusaarinikkut imaluunniit pasilliutit nikanarsaataasut eqqortut saqqummiunneqarnissaanik qunusaarutiginnittumut, inummik pinngitsaaliilluni iliuseqartitsisumut, naammagiinnartitsisumut imaluunniit ilaginnaasitsisumut, tamanna aamma atuuppoq.

Inuk, inuit nammineq inuunerannut imaluunniit allat inuunerannut, peqqissusaannut imaluunniit atugarissaarnerannut tunngasumik pinerluuteqarnissamik qunusaarineq atorlugu, taamaalilluni inuit ilaannut naleqquttumik ilungersunartumik annilaangalersitsinermik kinguneqartumik qunusaarisooq, pinerluttulerinermi inatsimmi § 98, imm. 1 malillugu qunusaarisimasutut eqqartuunneqassaaq.

Tamatuma saniatigut timikkut nakuuserneq pillugu pinerluttulerinermi inatsit aalajangersakkamik imaqarpoq. Taammaalilluni inuk piaaraluni inuup allap timaanik ajoqusiisoq innarliisorluunniit eqqartuunneqassasoq pinerluttulerinermi inatsimmi § 88-imi takuneqarsinnaavoq. Inummut timikkut imaluunniit peqqissutsikkut allamut annertuumik piarinaatsoornikkut ajoqusiisumut, tamanna aamma atuuppoq.

2.2. Inatsiseqarnermut ministereqarfiup isumaliutiginninneri

Tarnikkut nakuuserfigineqarneq ingammik isumaginninneq pillugu suliassaqarfimmi sulisaatsimi paasinneriaatsitut ilaatinneqarpoq. Paasinneriaaseq assigiissaartumik nassuiarneqanngilaq, kisianni, allamik nakkutiginninniarnermik imaluunniit naalagarsiortitsiniarnermik siunertaqartumik, taamaalilluni taamaaliorfigineqartoq naalaannartinneqalerluni imaluunniit tarnimigut qajannarsisinneqarluni, uteqqiattumik imaluunniit ingerlajuartumik iliuitsit ilaginnaanerilluunniit (imaluunniit taakku marluk ataatsikkut) ilusaat pillugit pisartutut oqaatigineqartarluni. Iliuitsit il.il. assigiinngitsorujussuit pineqarsinnaapput, taakkulu qanigisariinni timikkut imaluunniit tarnikkut innarliinerit suussusaannik assigiinngitsunik imaqarsinnaapput.

Tarnikkut innarligassaanginneq pillugu innarliinerit aalajangersaqqissaarneqarsimasut arlallit pillugit pinerluttulerinermi inatsit pinerluutinngortitsivoq. Taakku ilisaqunnartumik tassaapput iliuitsit immikkoortut, assersuutigalugu inatsisit unioqutillugit pinngitsaaliinerit, qunusaarinerit imaluunniit nakuusernerit. Aammattaaq pissutsit allat ataavarnerusut, assersuutigalugu paarsinerlunnerit, pillugit eqqartuussisoqarsinnaavoq.

Kisianni Inatsiseqarnermut ministereqarfiup isuma maalillugu tarnikkut innarligassaanginnerup innarlerneqarnerani aalajangersakkat taakku naammattumik illersuinngillat. Iliuitsit arlallit tarnikkut nakuuserfigineqarnerit nalilerneqarsinnaasut, aalajangersakkani atuuttuni ilaatinneqannginnerannik tamanna pissuteqarpoq. Tassaasinnaapput innarliinerit ima ilungersunartiginnigitsut, namminni pinerluuteqarnermi imaneritinneqartuni, assersuutigalugu inatsisit unioqutillugit qunusaarinerni imaluunniit inatsisit unioqutillugit pinngitsaaliinerni piunasaqaatinik naammassinnissinnaanatik, kisianni eqqunngitsuliorfigineqartumut, piffissami aalajangersimasumi taamatut arlaleriarluni pissusilersorfigineqarnermigut taamaaqataanik imaluunniit annertunerusumik innarliinertut sunniuteqartut. Aammattaaq innarliinerit suussusaat, aalajangersakkat arlaannaanniluunniit ilaatinneqanngitsut pineqarsinnapput. Taassuma saniatigut qanilleqqusinnginneq, najugaqataasinnaanginneq aamma anisitsisarneq pillugu inatsit, eqqugaasup innarlerneqarnermut illersorneqarnissaanik siunertaqartoq tunngavigalugu ilaqutariinni pillaatissiinerit qaqutigorujussuaq aalajangersarneqartarput. Tamatuma peqatigisaanik inatsiseqartitsinermi pissutsini ullumikkut atuuttuni tarnikkut nakuuserfigineqarnerup qanoq ilungersunartiginera ersersinneqanngilaq.

Tamanna tunngavigalugu pinerluttulerinermi inatsimmi tarnikkut nakuuserfigineqarneq pillugu immikkoortumik aalajangersakkamik pisariaqartitsisoqartoq, Inatsiseqarnermut ministereqarfik isumaqarpoq.

Tarnikkut nakuuserfigineqarneq – ingammik qanigisariinni – eqqugaasumut sivisoorujussuarmik imaluunniit allaat inuuneq naallugu kinguneqartitsisartoq, tassami assersuutigalugu tamanna pineqartup kigaatsunnguamik immikkoortikkiartuaarneqarneranik imaluunniit tarnimigut qajannarsisikkiartuaartinneqarneranik kinguneqartarnat, tassunga atatillugu Inatsiseqarnermut ministereqarfiup pingaartippaa. Ingammik meeqqat eqqarsaatigalugit, tarnikkut nakuuserfigineqarnerup meeqqap ineriartorneranik akornusiisinnaanera imaluunniit

aseruisinnaanera, matumani ingammik meeqqap kinaassuseqarneranut, nammineq naleqassusaanut aamma imminut tatiginneranut akornusiisinnaanera aseruisinnaaneraluunniit ilanngullugit, tunngavigineqassaaq.

Pisut ilaanni tarnikkut nakuuserfigineqarnerup eqqunngitsuliorfigineqartumi tarnikkut ajoquteqalerneq kingunerisinnaavaa. Tarnikkut nakuuserfigineqarnerup qanoq peqqarniissimatiginerata nalilerniarneqarnerani, tarnikkut ajoquteqalersimaneq ilaatinneqartariaqartoq, kisianni aamma naak tarnikkut ajoquteqalerneq suli pisimanngikkaluartoq, imaluunniit ajoquteqalerneq taamaattoq takuneqarsinnaanngikkaluartoq, eqqugaasut innarlerneqarnernut illersugaanissaat pisariaqartinneqartoq, Inatsiseqarnermut ministereqarfik isumaqarpoq. Tarnikkut innarligassaannginnermut innarliinernut eqqugaasup qanoq mattutiginera, soorlu aamma tarnikkut ajoquteqalernerit takuneqarsinnaalersarnerisa ajornakusoorsinnaanerat, pinerluutinngortitsinermi taamaalilluni apeqqutaatinneqartariaqanngillat.

Aamma nunani assersuunneqarsinnaasuni ilaqutariinni tarnikkut innarliinernut illersuisoqareerpoq. Assersuutigalugu norskit pillaasarnermik inatsisaanni naalliutitsineq pillugu §§ 282 aamma 283 malillugit Norgimi ataavartumik uteqqiattumillu eqqugaasumik angerlarsimaffimmi innarliineq pillaatissiissutigineqartarpoq. Englandimi Walesimilu qanigisariinni uteqqiattumik ataavartumilluunniit nakkutilliinermik pinngitsaaliinermilluunniit iliuuseqarneq, Serious Crime Act-imik taaneqartartoq malillugu pillaatissiissutigineqartarpoq.

Suliani allanisulli – tarnikkut nakuuserfigineqarnermut atatillugu uppersaasiiniarnermi unammillernartoqarsinnaanera Inatsiseqarnermut ministereqarfiup nalunngilaa. Taamaattoq tamatuma kannguttaatsuliornermik pissusilersornerup pinerluutinngortinneqarnissaanut naammattumik tunngavilersuutaasinnaannginnera, Inatsiseqarnermut ministereqarfiup nalilerpaa.

Tarnikkut nakuuserfigineqarneq qanigisariinni atuutissasoq, tassani pinerluuteqartoq eqqunngitsuliorfigineqartup inoqutigiinni ilaaffigisaani attuumassuteqassalluni, Inatsiseqarnermut ministereqarfik isumaqarpoq. Qallunaat pillaasarnermik inatsisaanni tarnikkut nakuuserfigineqarneq pillugu aalajangersakkamik ilanngussisoqarneranut atatillugu,

eqqunngitsuliorfigineqartumut qanigisariinni innarliinerit immikkut ittumik annertuumik misigineqartarnerat, taakkumi tarnikkut nakuuserfigineqarnermit “killilersorneqarnani ineriartornissaq” ajornakusoortitsisarnerannik, imaluunniit taakku tarnikkut nakuuserfigineqarnermit qimarratiginninnissamut periarfissaqannginnermik misigisaqartitsisarnerannik, sulliviit tarnikkut nakuuserfigineqarnermik suliaqartut tikkuaanerat, Inatsiseqartitsinermit ministereqarfiup matumuuna pingaartissimavaa. Massakkuugallartoq immikkut ittumik inunnt taakkununga ajoquserneqarnissamik aarlerinartorsiortunut, illersorneqarnissamik annertuumik pisariaqartitsisutut nalilerneqartunut tunngatillugu, killilimmik tarnikkut nakuuserfigineqarnerup pinerluutinngortinneqarnissaa naleqqunnerpaajusoq, taamaalilluni Inatsiseqartitsinermit ministereqarfik isumaqarpoq.

Aammattaaq assersuutigalugu tarnikkut nakuuserfigineqarneq, inummik malersuinermik assingusumik pissuseqartoq, aappariikkunnaarnermi nanginneqartoq aallartittorluunniit pissutigalugu, tassunga atatillugu taassuma pinerluutinngortinneqarnissaata qulakkeerneqarnissaa aamma pisariaqartitsinneqartoq, Inatsiseqartitsinermit ministereqarfiup nalilerpaa. Eqqunngitsuliorfigineqartup inoqutigiinni ilaaffigisaani siusinnerusukkut inunnt atassuteqarsimasunit tarnikkut nakuusernerit, pinerluuteqartup nalinginnaasumik eqqunngitsuliorfigineqartumut taassumalu inoqutigiinni ilaaffigisaanut assigisaanik ilisimasaqarnera pissutigalugu, assersuutigalugu inoqutigiit ilaannit tarnikkut nakuuserfigineqarnertut annertutigisumik misigineqarsinnaavoq.

2.3. Aaqqissuussineq siunnersuutigineqartoq

Pinerluttulerinermi inatsimmi toqutsilluni timimillu pinerliilluni pinerluttuliornerit pillugit kapitali 19-imi tarnikkut nakuuserfigineqarneq pillugu immikkut ittumik aalajangersakkamik ilanngussisoqarnissaa Inatsiseqartitsinermit ministereqarfiup siunnersuutigaa.

Kapitali 19-imi ilanngussinikkut tarnikkut nakuuserfigineqarneq inuup innarligassaannginneranik pingaarutilimmik innarliinerusoq, taamaaliornerlu timikkut nakuuserfigineqarnertut ilungersunartigisinaannaasoq ajoqusiitigisinnaasorlu taamaaliornikkut takutinneqarpoq.

Inuk inoqutigiinni allap akuuffigisaani ilaasoq qanittumilluunniit attuumassuteqartoq imaluunniit siusinnerusukkut inoqutigiinnut taakkununga taamatut attuumassuteqarsimasoq, aamma piffissap ingerlanerani uteqqiattumik, assuarnartumik allamut pineqartumut aqutsissutaasinnaasumik ingasattumik nikassaanermik, ajortumik pinninnermik imaluunniit kannguttaatsuliornermik pissusilersortoq, tassunga ilaalluni naqisimanninnikkut, pinngitsaaliinikkut imaluunniit nakuusernikkut nammineq inuuneqarnissamut siunissarlu pillugu nammineq aalajangiisinnanissamut killilersorneqarnermut tarnikkut nakuuserfiginnissimasutut eqqartuunneqassasoq, aalajangersakkakkut siunnersuutigineqarpoq.

Qanigisariinni piffissap ingerlanerani innarliinerit uteqqiattut, tamarmillu katillutik taamatut sakkortussuseqartut, ilaatinneqarnissaat aalajangersagassatut siunnersuutip siunertaraa.

Aalajangersakkap taamaattup inatsisit atuuttut ilassavai, tassami tassani iliuitsit, inatsisini massakkut atuuttuni pinerluutinnngortinneqanngitsut, aamma iliuitsit pinerluutinnngortinneqareersut ilaatissagamigit.

“Tarnikkut nakuuserfigineqarneq” pillugu paasinneriaatsip nalinginnaasumik atuuttussamik nassuiarneqarnissaa, aalajangersagassatut siunnersuummi siunertarineqanngimmat maluginiarneqassaaq.

Naqisimanninnikkut, pinngitsaaliinikkut imaluunniit nakuusernikkut nammineq inuuneqarnissamut siunissarlu pillugu nammineq aalajangiisinnanissamut killilersorneqarnerup taamatullu tarnikkut nakuuserfiginninnerunanut aalajangersakkap oqaaseqatigiiani oqaatsini kingullerni, naqisimanninnikkut, pinngitsaaliinikkut imaluunniit nakuusernikkut nammineq inuuneqarnissamut siunissarlu pillugu nammineq aalajangiisinnanissamut killilersorneqarnermut toqqaannartumik innersuussisoqarnissaa siunnersuutigineqarpoq. Assersuussutigalugu ilaqutariit ataqatigiinnikkut nukittunerannut innersuussisoqarneratigut, meeqqaminit qaniginerpaasaminilluunniit immikkortinneqarnermigut, imaluunniit allatigut inuup inuuneq pillugu aalajangiinissaanut, inuk aappariinnermi imaluunniit inooqatigiinnermi pissutsiniitiinnarneqarpat, assersuutigalugu avinnissamut inooqatigiikkunnaarnissamulluunniit, najugaqatigiikkunnaarnissamut ilinniarunnaarnissamulluunniit, inuk aalajangeeqqullugu imaluunniit ilaginnaaqqullugu allakkut pinngitsaalineqarpat, taava naleqquttumik pissuseqartillugu taamaliorneq naqisimanninnikkut, pinngitsaaliinikkut

imaluunniit nakuusernikkut nammineq inuuneqarnissamut siunissarlu pillugu nammineq aalajangiisinaanissamut killilersuineruvoq, taamaaliornerlu tarnikkut nakuuserfigineqarnerusinnaavoq. Pisuni, ataannartitsineq ilumut aamma assuarnartumik inummik allamik, assersuutigalugu taassuma piomassuserinngisaanik imaluunniit inuuneq pillugu aalajangiinissat taaneqartut pillugit aalajangiinissaanut imaluunniit ilanginnaanissaanut, inuup aapparinnermiiginnarnissaanut imaluunniit pissutsini najugaqatigiiffiusuniiginnarnerani, aalajangersakkap atorneqarneqarnissaa pingaaruteqarpoq.

Suliani ataasiakkaani pineqaatissiissutissap aalajangerneqarnissaanut suliameq pissutsit naleqquttut piviusumik eqqartuussivinnit nalilersorneqarnissaat apequtaassaaq. Taamaalillutik pineqaatississutissap aalajangersarneqarneranut atatillugu ilaatigut nikassaataasumik, ajortumik pinninnerup aamma kannguttaatsuliornerup pissusaa sivisussusaalu, eqqunngitsuliorfigineqartumut pissutsit aamma eqqunngitsuliorfigineqartumut iliuseqarnerit kingunerisimasai, eqqartuussiviit eqqarsaatigissavaat.

Eqqunngitsuliorfigineqartup meeraanera, pisinnaanikillisisimanagera allatulluunniit pinerluuteqartumit timikkut imaluunniit tarnikkut inornerunera, tassunga atatillugu pillaatissiinerup aalajangersarneqarnerani sakkortunerusumik inatsisinik unioqqutitsinertut ilaatinneqarsinnaavoq. Taamatuttaaq meeraq qanigisaminik nakuuserfiginninnermik isiginnippat, sakkortunerusumik inatsisinik unioqqutitsinertut isigineqartariaqarpoq.

Eqqartuussiviup pineqaatissiinermini pinerluuteqartut ataasiakkaat inuttut inooqatigiinnilu pissutsit atugaat annertuumik eqqarsaatigissagai, tamatuma kinguneraa, matumani § 121, imm. 1, nr. 2 malillugu suut pineqartup nutaamik pinerluuteqaqqinnginnissaanut ilimagineqarsinnaanerat ilanngullugu. Kisianni aamma pinerluutigineqartup sakkortussusaa, tassungalugu atatillugu § 121, imm. 1, nr. 1 malillugu pinerluuteqarnerup taamaattup akiorneqarnissaanut inuiaqatigiit soqutiginninnerat aamma eqqarsaatigineqassaaq.

Aammattaaq tarnikkut nakuuserfigineqarnerup pinerluutinngortinneqarnerata kingunerisaanik eqqartuussisarnermi inatsisip allannngortitsivigineqarnissaa siunnersuutigineqarpoq, matumani ilaatigut inatsisit atuuttut malillugit nakuunermik suliat assigalugit, tarnikkut nakuuserfigineqarnermik suliani, illersuisumik piginnaaniliinissamut periarfissat assingi ilanngullugit.

Aammattaaq Qanilleqqusinnginneq, najugaqataasinnaannginneq aamma anisitsisarneq pillugit inatsisip Kalaallit Nunaanni atuutilersinneqarnissaa pillugu peqqussummi aamma Aappariilertarneq aappariikkunnaartarnerlu pillugit inatsisip Kalaallit Nunaannut atuutilersinneqarnissaa pillugu peqqussummi, inatsisissatut siunnersuutip malitsigisaanik allannguisoqarnissaa siunnersuutigineqarpoq.

Aammattaaq inatsisissatut siunnersuutip §§ 1-imut aamma 2-mut oqaaseqaatitai innersuussutigineqarput.

3. Pisortanut aningaasaqarnikkut kinguneri aamma atuut-sitsilernerup kinguneri

Inatsisissatut siunnersuut killilimmik Justitsministeriaqarfimmi oqartussaasunut aningaasartuutaassasoq ilimagineqarpoq. Aningaasartuutaaratarsinnaasut Justitsministeriaqarfiup aningaasaqarnikkut sinaakkutaasa iluaniinnissaat naatsorsuutigineqarpoq.

4. Inuussutissarsiortunut il.il. aningaasaqarnikkut allaffis-sornikkullu kinguneri

Inatsisissatut siunnersuut nalilernerqarpoq inuussutissarsiortunut aningaasaqarnikkut allaffissornikkullu kinguneqassangitsoq.

5. Innuttaasunut allaffissornikkut kinguneri

Innuttaasunut inatsisissatut siunnersuut allaffissornikkut kinguneqassanngilaq.

6. Avatangiisinut kinguneri

Inatsisissatut siunnersuut avatangiisinut kinguneqassanngilaq.

7. EU-mi inatsisinut pissutsit

EU-mi eqqartuussivimmut tunngasunik inatsisissaatut siunnersuut isiginniffinnik imaqanngilaq.

8. Oqartussat suleqatigiiffiillu il.il. tusarniaaffigineqartut

Inatsisissatut siunnersuummut missingiut piffissami 6. Januar-imiit 3. Februar 2023-p tungaanut oqartussaqaarfinnut suliniaqatigiiffinnullu il.il. ataani allattorsimasunut tusarniaassutigineqarpoq:

Advokatrådet, Amnesty International, Avannaata Kommunia, Barnets Tarv Nu, Børnesagens Fællesråd, Bryd Tavsheden, Børnerådet, Børns Vilkår, Center for Voldsramte, Danner, Dansk Kvindesamfund, Danske Advokater, Danske Familieadvokater, Danske Regioner, Det Kriminalpræventive Råd, Den Danske Dommerforening, Dommerfuldmægtigforeningen, Domstolsstyrelsen, Dialog mod vold, Digitalt Ansvar, Everyday Sexism Project Danmark, Exitcirklen, Foreningen af Advokater og Advokatfuldmægtige, Foreningen af Offentlige Anklagere, Foreningen af Offentlige Anklagere i Grønland, Peqatigiiffik Kalaallit Meerartai, Foreningen af Statsadvokater, Forsvarerforeningen i Grønland, Fængselsforbundet, Kalaallit Nunaanni Eqqartuussisuserisut, Kalaallit Nunaanni Eqqartuussivik, Grønlands Politiforening, Grønlands Råd for Menneskerettigheder, Institut for Menneskerettigheder, Joan-Søstrene, Justitia, KL, Kvinderådet, Kvininfo, Kommune Qeqertalik, Kommuneqarfik Sermersooq, Kommune Kujalleq, Kredsdommerforeningen, Kriminalforsorgsforeningen, Landsforeningen af Forsvarsadvokater, Landsforeningen Børn og Samvær, Landsforeningen for børn og forældre, Landsforeningen for Voldsramte Kvinder, Landsforeningen KRIM, Landsforsvareren, Landsorganisationen af Kvindekrisecentre (LOKK), Lev Uden Vold, Mary Fonden, Mødrehjælpen, MIO (Meeqqat illersuisuat), Nunatsinni Advokatit, Nunaanni Naligiissitaanissamut Siunnersuisoqatigiit (Ligestillingsrådet i Grønland Kalaallit), Offerrådgivningen i Danmark, OAK Foundation Denmark, PiSiu (Det Grønlandske Kriminalpræventive Råd), Politiklagenævnet i Grønland, Politiforbundet, Hjælp Voldsofre, Red Barnet, Red-Safehouse, Retspolitisk Forening, Røde Kors, Retten i Grønland, Retspolitisk Forening, Rigsadvokaten, Rigspolitiet, SAVN, TUBA, Unicef Danmark, VIVE. Vestre Landsret, Østre Landsret aamma Qeqqata Kommunia.

9. Immersugaq eqikkaaffiusoq

	Pitsaasumik sunniutissai/aningaasartuutikinnerunerit (angeruit, annertussusaa allaguk/Naaggaaruit allaguk »Soqanngilaq«)	Ajortumik sunniutissai/aningaasartuu- teqarnerunissaq (angeruit, annertussusaa allaguk/Naaggaaruit allaguk »Soqanngilaq«)
Naalagaaffimmut, kommuninut nunallu immikkoortuinut	Soqanngilaq	Inatsissatut siunnersuut killilimmik Justitsministeriaqarfimmi

anigaasaqarnikkut kinguneri		oqartussaasunut anigaasartuutaassasoq ilimagineqarpoq. Anigaasartuutaaratarsinnaasut Justitsministeriaqarfiup anigaasaqarnikkut sinaakkutaasa iluaniinnissaat naatsorsuutigineqarpoq.
Naalagaaffimmut, kommuninut nunallu immikkoortuinut atuutilersitsinerup kinguneri	Soqanngilaq	Soqanngilaq
Inuussutissarsiortunut anigaasaqarnikkut kinguneri	Soqanngilaq	Soqanngilaq
Inuussutissarsiortunut allaffissornikkut kinguneri	Soqanngilaq	Soqanngilaq
Innuttaasunut allaffissornikkut kinguneri	Soqanngilaq	Soqanngilaq
Innuttaasunut allaffissornikkut kinguneri	Soqanngilaq	Soqanngilaq
EU-mi inatsisinut pissutsit	Inatsisissatut siunnersuut EU-mit inatsisinut attuumassute-qanngilat.	
EU-mi inuussutissarsiornermut sammititamik malittarisassiornermi tunngaviusut tallimaasut atortuulersinneqarnissaannut akerliuvoq/EU-mi malittarisassiuinermi minnerpaamik piunasaqaatinik qaangiivoq (X-ileruk)	<p style="text-align: center;">AAP NAAMIK X</p>	

Inatsisissatut siunnersuummi aalajangersakkanut ataasiakkaanut oqaaseqaatit

§ 1-imut

Nr. 1-imut

Massakkuugallartoq pinerluttulerinermi inatsit immikkoortumik tarnikkut nakuuserfigineqarneq pillugu aalajangersakkamik imaqanngilaq.

Kisianni allap tarnikkut innarligassaannginnera pillugu imaqartunik aalajangersakkanik arlalinnik pinerluttulerinermi inatsit imaqarparpoq, matumani ilaatigut inatsisit unioqutillugit pinngitsaaliineq pillugu § 91, , siorasaarinerit pilugit § 98, imm. 1, nakuusernerit pillugit § 88 aamma paarsinerlunnerit pillugit § 75 ilanngullugit. Aammattaaq – pissutsit aalajangersimasut apeqquataatillugit – Qanilleqqusinninneq, najugaqataasinnaanninneq aamma anisitsisarneq pillugit inatisimmik unioqutitsinerit pillugit pillaatissiinerit uani pineqarsinnaapput.

Pinerluttulerinermi inatsimmi nutaamik § 88 *a-mik* ilanngussisoqarnissaa siunnersuutigineqarpoq. Aalajangersagassatut siunnersuutigineqartup nutaatut inuk, inoqutigiinni allap akuuffigisaani ilaasoq qanittumilluunniit attuumassuteqartoq imaluunniit siusinnerusukkut inoqutigiinnut taakkununga taamatut attuumassuteqarsimasoq, piffissap ingerlanerani uteqqiattumik, assuarnartumik allamut pineqartumut aqutsissutaasinnaasumik ingasattumik nikassaanermik, ajortumik pinninnermik imaluunniit kannguttaatsuliornermik pissusilersortoq, naqisimanninnikkut, pinngitsaaliinikkut imaluunniit nakuusernikkut nammineq inuuneqarnissamut siunissarlu pillugu nammineq aalajangiisinnaanissamut killilersorneqarnermut pinerluttunngortissavaa.

Pinerluuteqartunut “inoqutigiinni allap akuuffigisaani ilaasunut qanittumilluunniit attuumassuteqartunut” aalajangersagassatut siunnersuutigineqartoq atorneqassaaq.

Inunnut eqqunngitsuiliorfigineqartup inoqutigiinni ilaaffigisaaniittunut, assersuutigalugu aappaanut, inooqatigisaanut, angajoqqaavinut, qatanngutaanut imaluunniit angajoqqaarsiaanut, aalajangersagassatut siunnersuutigineqartup atorneqarnissaa taamaalilluni piumasaqaataavog. Taamatuttaaq inunnut allap inoqutigiinni ilaaffigisaani qanittumik attuumassuteqartunut aalajangersagaq atorneqartussaavog. Assersuutigalugu siusinnerusukkut aapparimasamut, assersuutigalugu meeqqat ataatsimoorussat tassani najugaqarnerat pissutigalugu suli inoqutigiinnut takkuttartumut, imaluunniit akkammut angamulluunniit meeqqat perorsarneqarnerannut peqataasumut, aalajangersagaq aamma atuussinnaassaaq. Aamma eqqunngitsuiliorfigineqartup

angutaataanut/arnaataanut, eqqunngitsuliorfigineqartumik najugaqateqannngitsumut aalajangersagaq atuussinnaassaaq.

Pinerluuteqartup inunnik nalunaarsuisarfimmi eqqunngitsuliorfigisap najugaqarfigisaani najugaqartut nalunaarsorneqarnerisq siusinnerusukkulluunniit najugaqartut nalunaarsorneqarsimanersq, pinerluuteqartup eqqunngitsuliorfigineqartullu akornanni tunaartaqartariaqartoqarnerisq, pinerluuteqartoq eqqunngitsuliorfigineqartorlu eqqarleriinnersut, kiisalu pinerluuteqartup eqqunngitsuliorfigineqartup angerlarsimaffianut akulikitsunik aggertarnera, inuup eqqunngitsuliorfigineqartup inoqutiginni ilaaffigisaani qanittumik attuumassuteqarnera pillugu naliliinermi ilaatigut ilaatinneqassapput.

Taagorneqartut tamakkiisuunnginnerat maluginiarneqassaaq. Tarnikkut nakuuserfigineqarnermut tunngatilugu, digitaliusumik sullissiviit ikiorsiullugit tarnikkut nakuusernerit suliarineqartut, soorlu oqarasuaat, sms, gps atorlugu tussaanerit, inoqatinut attaveqaatit il.il. atorlugit suliarineqartut, digitaliusumik sullissiviit atorlugit pinerluuteqartup eqqunngitsuliorfigineqartullu akornanni akuttunngitsumik attaveqaqatigiittoqartarnerisq aammattaaq isiginiassallugu taamaamat naleqquttuusinnaavoq.

Aalajangersakkap pinerluuteqartunut, siusinnerusukkut eqqunngitsuliorfigineqartup inoqutigiinni ilaaffigisaani ilaasimasunut imaluunniit qanittumik atassuteqarsimasunut, aalajangersakkap atornerqarnissaa tamatuma saniatigut siunnersuutigineqarpoq. Uani pinerluuteqartut, siusinnerusukkut inoqutigiinni ilaasimasut imaluunniit allakkut taamatut inoqutigiinnut qanittumik attaveqaateqarsimasut, assersutigalugu angutaatigisimasaq/arnaatigisimasaq, inoqutigiinniit nuussimasq, imaluunniit ilaqutarisq, eqqunngitsuliorfigineqartup angerlarsimaffianut akuttunngitsumik takkutissaarsimasq, ilaatinneqassapput.

Tarnikkut nakuuserfiginninnerup pinerluuteqartullu inoqutigiinnut attaveqarnissaata taamatut attaveqarnissaat piumasaqaataavoq. Assersuutigalugu innarliinerit, eqqunngitsuliorfigineqartup pinerluttuliortullu najugaqatigiinneranni aallartittut, aamma pinerluttuliortup inoqutigiinni ilaajunnaarnerata kingorna ingerlaqqittut, aamma innarliinerit, aappariinnerup atorunnaarsinneqarneranut atatillugu aallartittut, naammattumik atassuteqartut nalilerneqassapput. Kannaguttaatsuliornermik pissusilersorneq kisianni aappariinnerup

atorunnaarsinneqarneraniit il.il. piffissap sivisuup qaangiutereernerani aatsaat aallartippat, pissusilersorneq aallaaviatigut aalajangersakkamut ilaatinneqassanngilaq. Assersuutigalugu tarnikkut nakuuserfigineqarneq, aappariinnerup atorunnaarsinneqarneranit ukiup ataatsip qaangiunnerani allaartittoq pineqartillugu, assersuutigalugu peqataasut ataatsimoorussaminnik meeraqarnerat pissutigalugu, peqataasut aalajangersimasumik pisartumik aamma qanittumik attaveqarsimanngippata, tarnikkut nakuuserfigineqarnerup aamma pinerluuteqartup inoqutigiinnut attaveqarnera pillugu nalinginnasumik pisariaqartinneqartumik attaveqarnertut tamanna oqaatigineqarsinnaanngilaq.

Pissusilersorneq “piffissap ingerlanerani uteqqiattumik” pisimassasoq, aalajangersagassatut siunnersuumi aamma piumasaqaataavoq.

Pissusilersorneq uteqqiattumik pissusilersornerussasoq aamma ilutsit nalinginnaasumik isigineqassasoq uani pineqassaaq. Innarliinerit ataasiaannarluni pisut taamaalillutik aalajangersakkap avataaniipput. Innarliinerit ilungersunartorujussuit pineqartillugit, pisut ikitsunnguit taamaattoq naammassapput. Uteqqiattumik pissusilersornissamik piumasaqaammi, pissusilersornerup suussuta assinganik pissusilersorsimanissap piumasaqaataanerani kinguneqanngilaq.

Pissusilersornermi ilutsit, eqqunngitsuliorfigineqartumut atugassarititaasut, amerlanertigut naalakkersugaanertut, toqqissisimannginnermik aamma nakuuserfigineqarnissamik, kinguaassiutitigut atornerlunneqarnissamik, qunusaarneqarnermik, pinngitsaalineqarnermik imaluunniit innarliinerit allat ingerlaannarnissaannut annilaanganermik sunnerneqartutut pissuseqartutut nalilerneqartarput. Naalakkersugaaneq taamaattoq nalinginnaasumik eqqunngitsuliorfigineqartup kisermassilluni naalakkersorneqarneratut peqqarniitsumillu naalakkersugassatut nakkutigisassatullu pineqarneratut pissuseqartarpoq. Iliuutsit ilaginnaanerillu assigiinngitsorujussuit pineqarsinnaapput, taakkulu tamarmik allap timimigut peqqissutsimigilluunniit innarlerneqarneraniq imaqarsinnaallutik, matumani pineqartup tarnikkut qanoq issusia ilanngullugu.

Iliuseq pineqartoq aammattaaq piffissap ingerlanerani pisimasussaavoq. Piffissap qanoq sivisutiginissaanut, ataatsimut piviusumik naliliineq apeqqaataassaaq. Uani ilaatigut sakkortussuseq aamma iliuuserisat ajoqusiinermik sunniuteqarsinnaaneraat ilaatinneqassapput. Pisut pigajuttut

imaluunniit sakkortuut pineqarpata, piffissaq
sivikitsuarakasiugaluarpalluunniit, aalajangersakkap
siunnersuutigineqartup atorneqarnissaa tamatuma kingunerisinnaavaa.
Meeqqat inuusuttullu eqqunngitsuliorfigineqartut pineqartillugit, iliuitsit
ilaginnaanerilluunniit ima pissuseqartut – allaat piffissami sivikitsumi
pisimagaluarunilluunniit – meeqqap imaluunniit inuusuttup
ineriartorneranut imaluunniit imminut ilisarineranut ajoqusiinissamut
naleqquttuunerat, uani aammattaaq annertuumik pingaartinneqarpoq.

Kinaassusersiunngitsumik isigaluni, kialluunniit “ingasattumik
nikassaanermik, ajortumik pinninnermik imaluunniit
kangguttaatsuliornermik pissusilersorfigineqarnera” aalajangersakkap
atorneqarsinnaanissanut pineqassaaq. Paasinneriaatsit imminut
saatillugit erseqqissumik killilersorneqarsinnaanngillat, tassami iliuitsit
ilaat nikassaanerusinnaapput, ajortumik pinninnerullutik aamma
kangguttaatsuliornermik pissusilersorfiginninnerusinnaallutik.

Iliuitsit nikassaanerusut eqqarsaatigalugit, pissusilersornerit eqqugaasumut
nikanarsaanermut imaluunniit isorinnermut atorneqarsinnaasut
eqqarsaatigineqarput. Uani assersuutigalugu pinerluuteqartup
eqqunngitsuliorfigineqartoq allaniit ajornerusumik pisimasinnaavaa,
eqqunngitsuliorfigineqartup pissutsinut imminut tunngassuteqartunut
sunniuteqarsinnaaneramik arsaarneqarsimanera, imaluunniit
eqqunngitsuliorfigineqartoq, eqqunngitsuliorfigineqartup
nuannarinngisaanik imaluunniit naleqqutinngitsutut isigisaanik,
iliuuseqaqqullugu imaluunniit naammagiinnartariaqalersillugu
pinngitsaalineqarsimanera pineqarsinnaavoq. Pinerluuteqartup saniatigut
kanggunarsagaanerup allamit isigineqarsimanissaa tassunga atatillugu
piumasaqaataanngilaq.

Ajortumik pinninnermi pinerluuteqartup uumisaarinernik imaluunniit
akornusersuinermik iliuseqarnera pingaarnertut pineqarput.
Assersuutigalugu uani oqaatsinik salluliuutinik siaruarteriniarluni
pinerluuteqartup eqqunngitsuliorfigineqartup suliffianik, ilaqutaanik,
ikinngutaamol il.il. attaveqarnerit, pisortani oqartussanut paasissutissanik
eqqunngitsunik tunniussinerit uani pineqarput, matumani politiinut
nalunaarutiginninnerit eqqunngitsut tunniunneqarneri,
eqqunngitsuliorfigineqartup nammineq assiitaasa (taakku
pinerluttulerinermi inatsimmi § 95-imik unioqquitsineri apeqqutaatinnagit)
allanut nassiunneqarneri, imaluunniit eqqunngitsuliorfigineqartumut
nassiunneqartussanik nioqqupassuarnik inniminniinerit, imaluunniit

eqqunngitsuliorfigineqartup sumiinneranik ilisimanninneq pillugu eqqunngitsuliorfigineqartumut kalerriisaqattaarneq ilanngullugit. Pinerluuteqartup iliuutsit taaneqartut allamit suliaritissinnaammagit maluginiarneqassaaq.

Kannguttaatsuliornermik pissusilersorneq pillugu paasinneriaaseq atituvoq, assersuutigalugu pissusilersornerit, eqqunngitsuliorfigineqartup ataqqinassusaanik imaluunniit imminut tatigineranut ajoqusiinissamut naleqquttut, imaluunniit allatigut eqqunngitsuliorfigineqartup tarnikkut innarligassaanninneranik ajortumik sunniuteqarsinnaasut uani ilaapput. Kannguttaatsuliornermik iliuseqarnermi ilisaqqunnartumik eqqunngitsuliorfigineqartup killigititani qaangerneqartutut misigissavai, matumani assersuutigalugu kinguuassitutinut tunngatillugu imaluunniit nakkutigineqarneq aqqutigalugu. Inuk qanigisami nuanninngitsumik imaluunniit quarsaarnartumik iliuseqarfigineqarnerani isiginnaarpat, kannguttaatsuliornermik pissusilersorneq, assersuutigalugu meeqqap angajoqqaani qatanngutiniluunniit nakuuserfigineqartut, tarnikkut nakuuserfigineqartut imaluunniit allatigut innarlerneqartut isiginnaarsimappagit aamma pisinnaavoq.

Uupakaatitsineramik pissusilersorneq aamma kanngunarsaanermik pissusilersornermi ilaavoq, soorlu assersuutigalugu peqqusersuumik pissusilersornikkut eqqunngitsuliorfigineqartup eqqarsaataanik, isumaanik aamma qanoq iliorneranik, salloqittaannikkut, sunniiniarnikkut imaluunniit kanngunartuliorfigineqarneratigut sunnerneqarneratigut pisarluni. Pinerluuteqartup pisunik killormut saatitsinera eqqunngitsuliorfigineqartup assersuutigalugu misigisinnaavaa, taamaalilluni pinerluuteqartup kannguttaatsuliornermik pissusilersornera eqqunngitsuliorfigineqartup nammineq pisuussutaatut misigineqassalluni. Naleqqutinngitsumik isornartorsiornerit, pasitsassaarinerit imaluunniit unnerluutiginninnerit, eqqunngitsuliorfigineqartup pinerluuteqartumut tunniutiinnarnissaanik siunertaqartut, uukapaatitsiniarnermiissinnaapput.

Iliuserineqartut ilaatinneqartut iliusaasinnaapput imaluunniit ilaginnaanerusinnaallutilluunniit (imaluunniit taakku marluutillugit).

Erseqqinnerusumik pisut apeqqutaatillugit, inuup ilaqutaanit attaveqarfiinilluunniit immikkoortinneqarnera, inuup assersuutigalugu digitaliusumik sullissiviit imaluunniit gps-imut atortut aqqutigalugit akuersiteqqaarnagu systematiskiusumik nakkutigineqarnera imaluunniit inuup qaqugukkut sininnissaa pillugu, inooqatigiinni ataqatigiinnerni inunik

allanik ilaqarnissaa pillugu, kikkut ilagisinnaanera, atisat suut atissanera il.il., inuup ulluinnarni inuuneranik nakkutiginninnermik tigusineq, inuup soqutigineqannginnera, assersuutigalugu nunanut allanut angalanissat pillugit pingaaruteqartumik aalajangiinissat pillugit inuup nalornisinneqarnera, inooqatigisap aapparisalluunniit suliffissarsiorniarnanik itigartinneqarnera, inuup tapersorsorneqarnissaanik arsaarneqarnera, inuup naleqanngitsutut oqallisigineqarnera, malitariaqakkanik eqqussinikkut inummik saqqummersitsineq imaluunniit nikanarsaaneq, inuup meeraanit qanigisaanilluunniit immikkoortinneqarnera, inuup aningaasaqarneranik nakkutilliinnermik tigusineq, inuup pineqartulluunniit meeraanik qaniginerpaasaanilluunniit qunusaarineq (qunusaarinerit pinerluttulerinermi inatsimmi § 98, imm. 1-imi ilaanissat pisariaqanngilaq), inuk ajoqusernarlugu inuup meeraanik qaniginerpaasaanilluunniit inaarliineq nakuusernerluunniit, ataqqinninnermik aamma/imaluunniit ilaqtariit nalinginnaasumik qanoq issusaannik takutitsinissaq pillugit takorluuinerit innersuussutigalugit inummik aappariinnermiiginnartitsineq imaluunniit eqqunngitsuliorfigineqartup allakkut naqisimanninnikkut, pinngitsaaliinnikkut imaluunniit nakuuserninnikkut nammineq inuuneqarnissamut siunissarlu pillugu nammineq aalajangiisinnaanissamut killilersorneqarnera, eqqunngitsuliorfigineqartup inuunini pillugu aalajangiinissaanut, assersuutigalugu iliniagaqarneq imaluunniit aappaqarneq pillugu qinersisinnaanera pillugit inuit allat eqqunngisuliorfigineqartumut kimigiisertitsinneqarnerat, assersuutigalugu peqqinnissaqarfimmut, ilinniarnissaanut suliffeqarfeqarfimmullu inuup immikkoortinneqarnera, naartunerup naammassineqarnissaanut kipineqarnissaanulluunniit inuup pinngitsaalineqarnera, angutaaserfigineqarnera, inuup pigisaasa aserorterneqarnerat imaluunniit aserorterneqarnissaannik siorasaarineq imaluunniit eqqunngitsuliorfigineqartoq pillugu ajortumik siunertaqarluni mamarliineq, tusaamanerlugaalersitsineq imaluunniit eqqunngitsuliorfigineqartoq pillugu inummut tunngasunik siararterineq – iliuutsit nikanarsaataasutut, ajortumik pinninnertut aamma kannguttaatsuliorfiginninnertut – assersuutitut taaneqarsinnaapput.

Assersuutit taaneqartut tamakkiisuunngimmata, kiisalu iliuutsinut arlalinnut taaneqartunut tunngatillugu, nikanarsaaneq, ajortumik pinninneq imaluunniit kannguttaatsuliornermik pissusilersorneq, pisut pineranni pissutsit, eqqunngitsuliorfigineqartup meeraanera ukiui inerisimassusaalu, aamma peqataasut allakkut imminnut attuumassuteqarneri apeqqutaammata maluginiarneqassaaq.

Aalajangersagassatut siunnersuummut iliuserineqartoq ilaatinneqassappat nikanarsaaneq, ajortumik pinninneq imaluunniit kannguttaatsuliornermik pissusilersorneq ingasattutut taaneqarsinnaasariaqassaq. Taamaalilluni nikanarsaanerit, ajortumik pinninnerit imaluunniit kannguttaatsuliornermik pissusilersornerit sulluunniit tamarmik, aalajangersakkap isumaanut ilaatinneqarsinnaanngillat. Illuatungaanili, ataatsimut isigalugu nikanarsaaneq, ajortumik pinninneq imaluunniit kannguttaatsuliornermik pissusilersorneq ingasattut taaneqarsinnaappat, iliuitsit ilaginnaanerilluunniit ataasiakkaat ingasattutut taaneqarnissaat piumasagaataanngilaq.

Iliuserineqartut ingasattutut taaneqarsinnaanissaannut piumasagaat, iliuitsip piffissap ingerlanerani uteqqiattumik pisimanissaanik, aamma eqqungitsuliorfigineqartumut aqutsinissamut naleqquttuuneranut qanittumik attuumassuteqarpoq. Taamaalilluni ataatsimut isigalugu iliuseqarneq ilaatigut piffissami sivisussusilimmi, sakkortussusilimmik aamma taamaalilluni ingasattumik pinninnertut taaneqartussaassaaq.

Eqqunngitsuliorfigineqartup assuarnartumik aqunneqarniarneranut iliuserineqartoq naleqquttuussaaq. “Aqutsinianermik” oqaasertaq nakkutilliiniarnertut pissusilersornermut tunngassuteqarpoq, taamaaliornerullu eqqunngitsuliorfigineqartup akornusersorneqarani qanoq iliorsinnaanissaanut akornusiinertut isigineqassaaq, matumani innarlerneqarnerit nutaat annilaangagineqarnerisa pissutigineqarnerat ilanngullugit. Taamaalilluni eqqunngitsuliorfigineqartumut tunngatillugu, pissusilersuutigineqaroq eqqunngitsuliorfigineqartumut pinerluuteqartup pissaaneqalernissaanik imaluunniit pissaanerup sakkortusineqarnissaanik attatiinnarneqarnissaanilluunniit nalinginnaasumik siunertaqarpoq. Naalagarsiortitsinermik imaluunniit nakkutilliinermik pissusilersorneq, eqqunngitsuliorfigineqartup imminut namminerluunniit inuunerminut aalajangiisinnaanermik misigisimaneramik arsaarinninnertut, eqqunngitsuliorfigineqartup nammineq naleqassusaata qajannarsisinneqarneranik, eqqunngitsuliorfigineqartup immikkoortinneqarneranik imaluunniit pinerluuteqartumik maleruutiinnalersinneqarneranik kinguneqartut uani assersuutigalugu pineqarsinnaapput. Pissusilersuutigineqartut ataatsimut isigalugit taamaalillutik eqqunngitsuliorfigineqartup piumasusaa uniorlugu, eqqunngitsuliorfigineqartup qanoq iliornissaanut naammagiinnalersinneqarnissaanulluunniit naleqquttuussaput.

Pissusilersorneq eqqunngitsuliorfigineqarup aqunneqanissaanut naleqquttuunersoq kinaassusersiunngitsumik nalilernerqassaaq. Taamaalilluni eqqunngitsuliorfigineqartoq ilumut aqunneqarnerseq, aalajangersakkap atorneqarnissaanut pingaaruteqanngilaq. Aammattaaq aqutsinerup eqqunngitsuliorfineqartumut tarnikkut ajoquserneqarsimaneramik assigisaanilluunniit kinguneqarsimanera, pinnerluutinngortitsinermit apeqqutaanngilaq.

Aqutsinermik pissusilersorneq aammattaaq “assuarnartuussaaq”, tassanilu peqataasut pissusissamisoortumik imminnut attaveqarnerannut aqutsiniarnermik pissusilersorneq ilaanngilaq. Taamaalilluni aqutsineq pisut ilaanni pisariaqassaaq aamma pissusissamisoortumik, assersuutigalugu inersimasup meeqqallu akornanni immikkut ittumik atassuteqarnerni (meeqqap ukiui inersimaneralu pisariaqartinneqartumik eqqarsaatigineqarneri piumasaaqatigalugit) imaluunniit utoqqaat paaqqtarisariaqartut imaluunniit inuit innarluutillit inuillu, utoqqarmik inummilluunniit innarluutilimmik paaqqtarinnettut akornanni. Taamaattoq ingasattumik innarliinerit peqataasut atassuteqatigiinneranni pissusissamisoortumik ilaasutut qaqutigorujussuaq isigineqarsinnaasut ilimagineqartariaqarpoq. Angajoqqaat meeqqaminnik perorsaanerit aallaaviatigut aalajangersakkami ilaatinneqanngitsoq tamatuma kinguneraa, kisianni aalajangersakkami ilaatinneqartunik angajoqqaat meeqqaminnut pissusilersorsinnaapput naakkittaatsuliorsinnaallutilluunniit, matumani assersuutigalugu meeqqap akulikitsunik sivisuunillu aneqqusaannginnera ilanngullugu.

Naqisimanninnikkut, pinngitsaaliinikkut imaluunniit nakuusernikkut nammineq inuuneqarnissamat siunissarlu pillugu nammineq aalajangiisinaanissamat killilersorneqarneq tassaasoq tarnikkut nakuuserfigineqarneq, aalajangersakkap ilaata kingulliup erseqqissarppaa. Aappariinnermi imaluunniit assigisaanik inooqatigiinnermi tamanna atuussinnaavoq, tassani imarisani pissutigalugit, inummik naqisimanninnissaq siunertaralugu inuup inuunermini aalajangigassat aalajangersimasut pillugit aalangiinissaanut ilaginnaanissaanulluunniit, assersuutigalugu avinnissaq, aappariikkunnaarnissaq, ineqarneq imaluunniit ilinniagaqarneq pillugit, inummik aalajangiusimannittoq uani pineqarsinnaallutik. Assersuutigalugu aappariinneq inooqatigiinnermiluunniit pissutsit eqqunngitsuliorfigineqartumut tunngatillugu pinnerluuteqartumut pissaaneqarnermik periarfissiinersoq, eqqunngitsuliorfigineqartumut aappariinneq aqutugalugu imaluunniit inooqatigiinnermi pissutsit pissutigalugit immiut namminerlu inuunerminut aalajangiisinaanermik misiginninnerata arsaarinnissutigineqarsimanera, aamma eqqunngitsuliorfigineqartup piumasuserinngisaanik eqqunngitsuliorfigineqartoq iliuuseqaqqullugu imaluunniit naammaginniinnartariaqalersillugu pissutsit sunniinersut, tassunga

atatillugu pingartinneqarsinnaassapput. Inooqatigiinnerup piviusumik aamma assuarnartumik pissuseqarluni inuup allap aqunneqarneranik kinguneqarnera, assersuutigalugu inuup taassuma piumassuserinngisaanik imaluunniit qulaani taaneqartut inuunermi aalajangissat ilaannik aalajangiisinneqarsimanera sumiginnaasinneqarsimaneraluunniit, pingaaruteqarluinnassapput.

Eqqunngitsuliorfigineqartumut pinerluuteqartup iliuserisai, imarisatik malillugit inuup aqunneqarnissaanik siunertaqarsimappata, kisianni suli taamatut kinguneqarsimangippata, pissutsit malillugit pinerluttulerinermi inatsimmi § 12 malillugu tarnikkut nakuuserfiginninniarnertut pineqaatissiissoqarsinnaavoq. Tamanna iliuseqarnerup ilusaata pisariaqartumik sivirusimanginneranik pissuteqartumik pisimasinnaavoq.

Suliani ataasiakkaani pillaatissiinerup aalajangerneqarnissaanni, suliami pissutsit naleqquttut tamaasa piviusumik eqqartuussivinnit nalilerneqarnerannit aalajangersarneqassaaq. Taamaalillutik pillaatissiinerup aalajangiiffigineqarneranut atatillugu, nikassarpassisumik, ajortumik pinninnerup aamma kannguttatsuliornermik pissusilersornerup qanoq issusaa sivirususaalu, eqqunngitsuliorfigineqartumut pissutsit, aamma pissusilersuutigineqartut eqqunngitsuliorfigineqartumut kingunerisimasai, ilaatigut eqqartuussiviit eqqarsaatigissavaat. Pillaatissiissutit sivirususissaasalu toqqarneqarneranni pisuni ataasiakkaani aamma piviusumik naliliisoqarnissaa, tassani inatsisunik unioqquitsinerup peqqarnissusaa, tassunga atatillugu pinerluuteqarnerup taamaattup akiorneqarnissaanut inuiaqatigiit soqutiginninnerat aamma eqqarsaatigineqassaaq, aamma pinerluuteqartup inuttut pissutsit akuuffigisaasa ilaatinneqartussaanerat,, tassunga atatillugu pinerluttup pinerluuteqaqqinnginnissaanut suut iliuserineqartariaqarnersut pinerluttulerinermi inatsimmi pinerluttup immikkut ittumik tunngavigineqartarnerata kinguneraa.

Pisut malillugit aalajangersagassatut siunnersuutigineqartup pissusilersuutit, immineq pinerluutinngortinneqareersimasut ilaatikkai maluginiarneqassaaq, matumani assersuutigalugu pinerluttulerinermi inatsimmi § 75 malillugu paarsinerlunnerit, § 91 malillugu inatsisit unioqquutillugit pinngitsaaliinerit aamma § 98, imm.1, malillugu qunusaarinerit ilanngullugit. Tamatuma saniatigut tarnikkut nakuuserfiginninnikkut naalakkersuinnermut atatillugu pinerluutigineqartut, pinerluutit allatut ittut pineqarsinnaapput, assersuutigalugu pinerluttulerinermi inatsimmi § 88 malillugu nakuusernerit, § 77 malillugu pinngitsaaliilluni atoqatiginninnerit imaluunniit kinguaassiutitigut pinerluuteqarnerit allat pineqarsinnaallutik. Pisuni taaneqartuni pillaanissamut aalajangersakkat allat aporfigineqarneranni, aalajangersagassatut siunnersuutigineqartup atorneqarnissaa piumasaqataassaaq.

Pinerluttulerinermi inatsimmi § 13-imi iliuseqaqataasimaneq pillugu aaqquissuussineq nalinginnaasoq pissutigalugu, kajumissarinikkut, siunnersuinikkut imaluunniit piviusumik ikiuinikkut, tarnikkut nakuuserfiginninnermik peqataasimasunut, aalajangersagassatut

siunnersuut aamma ilaatinneqassaaq. Tassunga assersuutitut taaneqarsinnaapput inuit, eqqunngitsuliorfigineqartumut taassumalu qanigisaanut tunngatillugu immikkut ittumik oqaasissaqartut, aamma pinerluuteqartup eqqunngitsuliorfigineqartumut naqisimanninnikkut, pinngitsaaliinnikkut imaluunniit nakuusernikkut nammineq inuuneqarnissamut siunissarlu pillugu nammineq aalajangiisinnaanissamut killilersuineranut peqataasut pineqarput. Peqataaneq taanna, pinerluutinngortitsinermi suliaasaqarfiup iluaniittoq pillugu, pissusilersornerup piviusup tarnikkullu nakuuserfiginninnerup akornanni arlaatigut attuumassuteqartoqarnissaa piunasaqaataamat, tassami pissusilersorneq pineqartoq tarnikkut nakuuserfiginninnermut pingaaruteqarsimanissaa taamaattoq piunasaqaataanngitsoq, aammattaaq maluginiarneqassaaq.

Iliuseqaqataaneq pillugu § 13-imi aalajangersagaq malillugu, kinaluunniit aalajangersakkap isumaa malillugu, kajumissarinikkut, siunnersuinikkut imaluunniit piviusumik ikiuunnikkut pinerluuteqarnermi peqataasoq, pissusilersornermigut pinerluuteqartutulli akisussaaffimmik tigusissaaq.

Aammattaaq inatsisissatut siunnersuummi oqaaseqaatini nalinginnaasuni pkt. 2 innersuussutigineqarpoq.

§ 2-mut

Nr. 1-imut

Eqqartuussisarnermik inatsimmi § 333 pinerluttulerinermi suliani eqqunngitsuliorfigineqartup illersuisuanik ivertitsinissaq pineqarpoq. Suliani, nakuuserneq imaluunniit tamanna pillugu qunusaarineq pillugu pinerluttulerinermik inatsimmi § 37-*imik* (pisortani oqartussat kanngunarsarneqarnerannik), § 74-*imik* (ilaquttatut qanigilluinnakkamik atoqateqarnermik), §§ 77-*imiit* 81 ilanngullugu (pinngitsaaliilluni atoqatiginninnermik, kinguaassiutitigut atonerluinermik, meeqqamik kinguaassiutitigut atonerluinermik, ileqqussaannngitsuliorfiginninnermik, akiliilluni inummik inuusuttumik kinguaassiutitigut atoqateqarsimanermik), § 84, *imm.* 1-*imik* (kannguttaalliorfiginninnermik), § 12 malillugu § 86, *imm.* 1-*imik* (toqutseriarnermik), § 88-*imik* (nakuusernermik), § 89-*imik* (inuup timaanik ilaginnaamermik), § 90, *imm.* 3-*imik* (inuunermut ulorianartorsiortitsisinnaasumik nappaammik tunillaanikkut ajoqusiineq) § 91 (inatsisit unioqquutillugit pinngitsaaliinermik), § 92-*imik* (kiffaanngissusiiianermik), § 93-*imik* (inunnik niuerutiginninnermik) imaluunniit § 112-*imik* (ujajaanermik) unioqquutitsinerit pillugit suliani, inatsisinik unioqquutitsineq ilungersunartutut pissuseqannngitsillugu imaluunniit illersuisumik ivertitsineq erseqqissumik pisariaqartutut isigineqanngippat,

eqqunngitsuliorfigineqartup qinnuteqarneratigut inatsisunik unioqquitsinikkut eqqunngitsuliorfigineqartumut eqqartuussivik illersuisumik ivertitsissasoq, aalajangersakkami takuneqarsinnaavoq. Suliaq pinerluttulerinermi inatsimmi § 74-ip aamma §§ 77-imiit 81 ilanngullugu tunngassuteqarpat, eqqunngitsuliorfigineqartoq 15-it inorlugit ukioqarpat, eqqunngitsuliorfigineqartumut illersuisumik ivertitsisoqarnissaanik piumasaqaateqarsinnaavoq.

Eqqartuussisarnermik inatsimmi § 333, *imm. 1-imi* § 88 a-tut siunnersuutigineqartumut innersuussummik ilanngussisoqarnissaa siunnersuutigineqarpoq, taamaalilluni nakuuserneq pillugu § 88-imik unioqquitsinermi pisut assigalugit, eqqunngitsuliorfigineqartup qinnuteqarneratigut § 88 a-tut siunnersuutigineqartup unioqquatinneqarnerani illersuisumik ivertitsisoqarsinnaanngussammat.

Tamatuma saniatigut aalajangersakkat pineqartut allanngortinneqarnissaat siunertarineqanngilaq.

Aammattaaq inatsisissatut siunnersuummi oqaaseqaatini nalinginnaasuni pkt. 2.3 innersuussutigineqarpoq.

Nr. 2-imut

Suliani pinerluttulerinermi inatsimmik unioqquitsinerit sakkortunerusut pillugit eqqartuussinikkut inissiisarfimmi inissiinissaq pillugu eqqartuussisoqarsimatillugu, tak. Pinerluttulerinermi inatsimmi kapitali 31, tassani nakuuserneq, qunusaarneq imaluunniit inummut navianartumik pinerluuteqarnerit allat ilaatillugit, imaluunniit kinguaassiutitigut atonerluisoqarsimatillugu, eqqartuunneqartoq eqqartuussinerup siuniani paarigallagassanngortinneqarsimappat aamma eqqartuussutip nalunaarutigineqarnerata naammassineqarneratalu akornanni iperagaasimangippat, eqqartuunneqartup ilagineqarani aninissaanut siullermut aamma iparagaanissaanut piffissaq aamma qimaasimappat qimaasimanagera pillugu, qinnutarneq malillugu eqqartuussisarnermik inatsimmi § 336 b malillugu eqqunngitsuliorfigineqartoq nalunaarfigineqassaaq. Pisuni taamaattuni pinerluuteqartoq pillaatisiamik atuinermi nalaani aamma inissiisarfiup suliassaqarfiani inissiisarfiup ilisimasaqarfigisaanik Kaalaallit Nunaanni aallakaatinneqartussatut sanaartorneqartumi TV-kkut imaluunniit radiokkut aallakaatitassiani peqataappat, tassani pineqartoq pingaarutilimmik atuuffeqarpat, imaluunniit

kalaallit aviisianni ullormut saqqummertartumi inuup allaatigineqarnera pillugu apeqqarissaarfigineqarpat, qinnuteqarneq malillugu eqqunngitsuliorfigineqartoq aammattaaq nalunaarfigineqassaaq. Pisuni inissiisarfik aninissamut tamannalu pillugu ilisimasaqarluni akuersissuteqarsimapat, taamatut TV-kkut radiokkulluunniit aallakaatitassiamik immiussinermi peqataanermi tamanna aamma atuuppoq. Eqqunngitsuliorfigineqartoq toqusimappat, qinnuteqarneq malillugu eqqunngitsuliorfigineqartup qanigisai nalunaarfigineqassapput. Pinerluuteqartumut eqqarsaatigisassat pingaaruteqartutut isigineqarpata, nalunaarutiginninneq itigartinneqarsinnaavoq.

Eqqartuussisarnermik inatsimmi § 336 b, imm. 1, oqaaseqatigiinni siullerni, § 88 a-tut siunnersuutigineqartumik innersuussummik ilanngussisoqarnissaa siunnersuutigineqarpoq. Pinerluttulerinermi inatsimmi unioqqutitsinerit sakkortunerusut pissutigalugit inissiisarfimmi inissinneqarnissaaq pillugu eqqartuussisoqarneranut tunngatillugu, tassani § 88 a-tut siunnersuutigineqartoq ilaalluni, tamanna pillugu § 336 b, imm. 1-imi malittarisassat erseqqinnerusut malillugit, nakuusertoqarsimanerata assinganik eqqunngitsuliorfigineqartumut taassumaluunniit qanigisaanut nalunnarutiginninneq pissasoq, tamatuma kinguneraa.

Aalajangersakkap pineqartup tamatuma saniatigut allanngortinneqarnissaa siunertarineqanngilaq.

Aammattaaq inatsisissatut siunnersuummi oqaaseqaatini nalinginnaasuni imm. 2.3 innersuussutigineqarpoq.

Nr. 3-imut

Politiit video atorlugu killisiuisarnerat pillugu Eqqartuussisarnermik inatsimmi § 340 a malittarisassanik imaqarpoq. Inuk 13-t inorlugit ukioqarpat, imaluunniit inuk 15-it inorlugit ukioqarpat, aamma misissueqqissaarneq pinerluttulerinermi inatsimmi § 74-imik (ilaquttatut qanigilluinnakkamik atoqateqarnermik) imaluunniit kapitali 18-imik (kinguaassiutitigut pinerluuteqarnermik) imaluunniit §§ 86, imm. 1 (toqutsinermik) imaluunniit 88, oqaaseqatigiit siulliit malillugit (nakuusernermik), tassani inuk imaluunniit taassuma qanigisaa eqqunngitsuliorfigineqarluni, aamma inuk pasisaasoq, inuup qanigisarippagu, pingaarnertut isumaqatigiinniarnermi immiussap uppernarsaatitut atorneqarnissaa, § 467 a (video atorlugu killisiuineq) siunertaralugu, politiit inummik killisiuinerat videokkut

immiunneqarsinnaasoq, aalajangersakkami imm. 1-p malitsigaa. Inuk 18-it inorlugit ukioqarpat, aamma pisut immikkut ittut video atorlugu killisiuisoqarnissaa pissutissaqartippassuk, imaluunniit inuk 18-inik sinnerlugilluunniit ukioqartoq tarnimigut ilungersunartumik ajoquteqarpat imaluunniit annertuumik piginnaasakillismappat, aamma pissutsit immikkut ittut video atorlugu killisiuisoqarnissaa pissutissaqartippassuk, video atorlugu killisiuineq aammattaq pisinnaavoq.

Eqqartuussisarnermik inatsimmi § 340, imm. 1, nr. 2, litra b-mi § 88 a-tut siunnersuutigineqartumut innersuussummik ilanngussisoqarnissaa siunnersuutigineqarpoq, taamaalilluni toqutsineq pillugu pinerluttulerinermi inatsimmi § 86, imm. 1-mik imaluunniit nakuuserneq pillugu pinerluttulerinermi inatsimmi § 88, oqaaseqatigiinnik siullernik unioqqutitsineq pillugu misissueqqissaarneq assigalugu, tassani § 88 a-tut siunnersuutigineqartumik unioqqutitsisoqartillugu inunnik 15-t inorlugit ukiulinnik video atorlugu killisiuineq pisinnaalluni, tassani inuk imaluunniit taassuma qanigisaa eqqunngitsuliorfigineqarluni aamma inuk pasineqartoq inuup eqqunngitsuliorfigineqartup qanigisarissavaa.

Aalajangersakkap pineqartup tamatuma saniatigut allanngortinneqarnissaa siunertarineqanngilaq.

Aammattaq inatsisissatut siunnersuummi oqaaseqaatini nalinginnaasuni imm. 2.3 innersuussutigineqarpoq.

§ 3-mut

Inatsisip ulloq [...] atortuulersinneqarnissaa siunnersuutigineqarpoq.

Iliuutsinut, inatsisip atortuulersinneqarnerata kingornatigut iliuserineqartunut inatsit atorneqassaaq.

Ilanngussaq 1

<i>Oqaasertalernera atuuttoq</i>	<i>Inatsisissatut siunnersuut</i>
	§ 1
	Inatsimmik nalunaarut nr. xx, xx-imeersoq malillugu Kalaallit Nunaanni pinerluttulerinermi inatsimmi tulliuttut allanngortinneqassapput:
	1. § 88- <i>ip</i> kingorna ilanngunneqassaaq:
	»§ 88 a. Inuk inoqutigiinni allap akuuffigisaani ilaasoq qanittumilluunniit attuumassuteqartoq imaluunniit siusinnerusukkut inoqutigiinnut taakkununga taamatut attuumassuteqarsimasoq, aamma piffissap ingerlanerani uteqqiattumik, allamut pineqartumut assuarnartumik aqutsissutitut naleqquttunik, ingasattumik nikassaanermik, ajortumik pinninnermik imaluunniit kannguttaatsuliornermik pissusilersortoq, matumani naqisimanninnikkut, pinngitsaaliinikkut imaluunniit nakuusernikkut nammineq inuuneqarnissamut siunissarlu pillugu nammineq aalajangiisinnaanissamut killilersuineq ilanngullugit, tarnikkut nakuusersimasutut eqqartuunneqassaaq.
	§ 2
	Inatsimmik nalunnaarut xx, xx-imeersoq malillugu Kalaallit

	<p>Nunaanni eqqartuussisarnermik inatsimmi tulliuuttut allanngortinneqassapput:</p>
<p>§ 333. Nakuusemermut imaluunniit taamaaliomissamik qunusaarinermut tunngatillugu pinerluttuler- inermi inatsimmi § 37-mik imaluunniit §§ 74-imik, 77-81-imik, 84, imm. 1-imik, tak. 12, 88 aamma 89, 90, imm. 3, 91-93 kiisalu 112-imik unioqqutitsineq pillugu suliaassani eqqartuussisut pinerlineqartumiit noqqaavigineqamik illersuisumik ivertitsisassapput taassumunnga tapersersuillunilu ilitersuisuus- samik, ivertitsisoqassanngilarli inatsisinik unioqqutitsineq ilungersunartuunngippat imaluunniit illersui- sumik ikiortissaqartitsinissaq pisariaqanngitsutut isigineqartariaqarpat. Pinerlineqartoq 15-it inorlugit ukioqarpat illersuisussamik ivertitsivigineqarsinnaatitaavoq, suliaasaq pinerluttulerinermi inatsimmi §§ 74-imut aamma 77-81-imut tunngasuuppat.</p>	<p>1. § 333, <i>imm. 1</i>, <i>oqaaseqatigiinni siullerni</i>, »§§ 88 aamma 89,« ima allanngortinneqassaaq: »§§ 88-89,«.</p>
<p>§ 336 b. Pinerluttulerinermi inatsimmi kapitali 31 malillugu suliani pinerluttulerinermi inatsimmik unioqqutitsinerit sakkortunerusut pillugit eqqartuussinikkut inissiisarfimmi inissinissaq pillugu eqqartuussisoqarsimatillugu, tassani nakuuserneq, qunusaarineq imaluunniit inummut navianartumik pinerluuteqarnerit allat ilaatillugit, imaluunniit kinguaassiutitigut atornerluisoqarsimatillugu, eqqartuunneqartoq eqqartuussinerup</p>	<p>2. § 336 <i>b</i>, <i>imm. 1</i>, <i>oqaaseqatigigiinni siullerni</i>, »nakuuserneq,«-rup kingorna ilanngunneqassaaq: »tarnikkut nakuuserfigineqarneq,«.</p>

siuniani
paarigallagassanngortinneqarsimappat
aamma eqqartuussutip
nalunaarutigineqarnerata
naammassineqarneratalu akornanni
iperagaasimanngippat,
eqqartuunneqartup ilagineqarani
anissaanut siullermut aamma
iparagaanissaanut piffissaq aamma
qimaasimappat qimaasimanagera
pillugu, eqqunngitsuliorfigineqartoq
nalunaarfigineqassaaq. Pisuni
taamaattuni pinerluuteqartoq
pillaatisiamik atuinermi nalaani
aamma inissiisarfiup suliassaqarfiani
inissiisarfiup ilisimasaqarfisaaq
Kaalaallit Nunaanni
aallakaatinneqartussatut
sanaartorneqartumi TV-kkut
imaluunniit radiokkut
aallakaatitassiani peqataappat, tassani
pineqartoq pingaarutilimmik
atuuffeqarpat, imaluunniit kalaallit
aviisianni ullormut saqqummertartumi
inuup allaatigineqarnera pillugu
apeqqarissaarfigineqarpat,
qinnuteqarnek malillugu
eqqunngitsuliorfigineqartoq
aammattaaq nalunaarfigineqassaaq.
Pisuni inissiisarfik aninissamut
tamannalu pillugu ilisimasaqarluni
akuersissuteqarsimapat, taamatut TV-
kkut radiokkulluunniit
aallakaatitassiamik immiussinermi
peqataanermi tamanna aamma
atuuppoq.
Eqqunngitsuliorfigineqartoq
toqusimappat, qinnuteqarnek
malillugu eqqunngitsuliorfigineqartup
qanigisaat nalunaarfigineqassapput.
Pinerluuteqartumut eqqarsaatigisassat

<p>pingaaruteqartut isigineqarpata, nalunaarutiginninneq itigartinneqarsinnaavoq. <i>Imm. 2-3. ---</i></p>	
<p>§ 340 a. § 467 malillugu pingaarnertut isumaqatigiinniarnertit nalaanni (video atorlugu killisiuineq) immissiunerup uppersaataatit atorneqarnissaa siunertaralugu, politiit inummik killisiuinerat videokkut immiunneqarsinnaavoq pisuni tulluuttuni: 1) --- 2) Inuk 15-it inorlugit ukioqarpoq, aamma ... unioqqutitsinerit pillugit misissueqqissaarneq attuumassuteqarpoq a) --- b) Kalaallit Nunaanni pinerluttulerinermi inatsimmi § 86, imm. 1 imaluunniit § 88, oqaaseqatigiit siulliit, tassani inuk taassumaluunniit qanigisaa eqqunngitsuliorfigineqarluni, pasineqartorlu inuup taassuma qanigisarigaa. <i>Imm. 2-4. ---</i></p>	<p>3. § 340 a, imm. 1, nr. 2, litra b-mi, »§ 86, imm. 1, imaluunniit § 88, oqaaseqatigiit siulliit,« ima allanngortinneqassaaq: »§ 86, imm. 1, § 88, oqaaseqatigiit siulliit, imaluunniit § 88 a«.</p>